

平陽府志卷之三十六

御製

聖祖仁皇帝御製詩

賜翼城縣知縣

臣

馬文鏞

咏蟬

飲露當涼夜吟風向晚晴
乍移深樹影又聽別枝聲
與物心無競離塵翼最輕
秋懷聊寄咏愛爾獨能清

賜太原總兵官

臣

馬見伯

途次逢寒食

平陽府志
卷之三
何處來春風淡蕩開晴旭不見杏花紅纔逢柳稍綠

聖祖仁皇帝御書匾額

堯殿

光被四表

舜殿

濬哲文明

禹殿

萬世永賴

文廟

萬世師表

各省府州縣
胥行頒發

霍山神廟

秀峙中區

賜太原總兵官

臣韓天伏

尙威嚴

賜平陽府知府

臣王輔

寬簡便民

賜平陽府知府

臣秦棠

清素

賜大學士臣衛周祚

表率班聯

賜丁未進士臣范鄱鼎

山林雲鶴

聖祖仁皇帝御書對聯

賜霍州知州臣李紹祖

日色纔臨仙掌動香烟欲傍衮龍浮

賜太平縣知縣臣李清鎧

渭北春天樹江東日暮雲

世宗憲皇帝御書

文廟

生民未有

各省府州縣
胥行頒發

平陽府知府
臣章廷珪敬輯

三陽府元

卷之三

三

（

平陽府志卷之三十六

藝文

有一郡之人物斯有一郡之著作而凡志獨皆繫藝文于終篇者何哉文章之實不出天地人三者外舍此無以爲文章卽舍各志標目之外亦無以爲藝文志藝文實以徵各卷也平陽於文最古陶唐自堯典外猶有傳者茲編所登述堯以來或傳以事或傳以人或傳以地苟其有關掌故不必盡出里賢若夫名山雜錄閒窻偶驗舉凡無與重輕之作雖間有採輯不敢不從略也作

藝文志

歷朝御製

漢

宣帝卽位褒賞大臣詔

夫褒有德賞有功古今之通義也車騎將軍光祿勳富平侯安世宿衛忠正宣德明恩勤勞國家守職秉義以安宗廟其益封萬六百戶功次大將軍光安世子于秋延壽彭祖皆中郎將侍中

武帝益封霍去病制

驃騎將軍去病率師征匈奴西域王渾邪王及厥衆萌威

犇於率以軍糧接食并將控弦萬有餘人誅獍悍捷首虜
八千餘級降異國之王三十二戰士不離傷十萬之衆畢
懷集服仍興之勞爰及河塞庶幾亡患以千七百戶益封
驃騎將軍減隴西北地上郡戍卒之半以寬天下繇役

武帝又益封霍去病制

驃騎將軍去病率師躬將所獲輦允之士約輕齎絕大幕
涉獲單于章渠以誅北車者轉擊左大將雙獲旗鼓歷度
難侯濟弓盧獲屯頭王韓王等三人將軍相國當戶都尉
八十三人封狼居胥山禪于姑衍登臨翰海執訊獲醜七

萬有四百四十三級師率減什二取食於敵卓行殊遠而糧不絕以五千八百戶益封驃騎將軍

宣帝嘉霍光詔

大司馬大將軍博陸侯宿衛孝武皇帝三十餘年輔孝昭皇帝十有餘年遭大難躬秉義率三公諸侯九卿大夫定萬世策以安宗廟天下蒸庶咸以康寧功德茂盛朕甚嘉之復其後世疇其爵邑世世毋有所與功如蕭相國

宣帝封霍雲詔

宣成侯光宿衛忠正勤勞國家善善及後世其封光兄孫

中郎將雲爲冠陽侯

宋

仁宗勅孫復可秘書省校書郎國子監直講制

朕勤治體喜賢俊嘗慮四方遺逸之善有不吾聞者間屬
近列屢騰薦章以爾孫復深經術茂德行躬耕田畝以給
歲時東州士人皆師尊之吾命汝校文於書省講藝於胄
序不由鄉舉不俟科選汝姑直屏雜說純道粹經使縉紳
子弟聞仁義忠孝之樂此吾所以待汝意往欽哉可

明

武宗諭致仕戶部尚書韓文勅

卿以宏遠之才清慎之操敷歷中外多閱歲年晚貳銓衡
晉司邦計勞績茂著爲時名臣越在先朝首倡儻論劾除
羣奸遭讒去官退居田里凜然風概天下想聞乃能懋脩
靡懈德望愈隆壽考康寧年逾八十完名盛福求諸今日
蓋僅見焉朕初嗣位念卿一時碩輔人望攸歸已有旨起
用茲特先遣行人齎勅存問并賜羊酒仍令所司月給食
米四石歲撥人夫六名以示優眷行且起卿於家來覲闕
廷以爲班行之光卿其頤養天和益邵乃德康乃身用副

朕寤寐老成至意抑書有之曰爾身在外乃心罔不在王
室卿有嘉謨嘉猷未展盡於平素者尙無所隱以裨朕之
不逮卿其敬念之哉故諭

表

唐

謝授左拾遺表

呂溫
郡人

伏奉制命授臣左拾遺又中使至宅奉宣進止賜臣本官
告身澤濡窮鱗雷起幽蛰塵忝近侍冠軼常倫震驚失圖
兢跼罔據臣嘗學舊史承訓先臣皆以奉上自致爲榮附
下苟進爲恥臣所以旣孤之後義不依人賣洛中之薄田
歸闕下之舊宅退藏其跡默誓於心不邀利於權門不求
名於衆口星霜苦節夙夜精誠唯願授軀盛時自結明主

愚誠神感人欲天從果蒙陛下自記姓名猥憐孤直振零

丁於絕望拔曖昧於

缺二字

獨斷皇明起寘清列俯降中

貴內賜官告特違恒例光寵賤臣俾其不出戶庭坐生羽翼萬乘知己一鳴驚人公朝得盡節之方私室無謝恩之處顧惟凡陋叨此殊尤纏激血誠銘鏤膚骨採拔恩重泥塗感深畢性命以爲期裂肝膽而何述唯當竭誠陳力効節明忠使丹心有孚白首無玷然後敢望披雲捧日一識天顏則闔門之灰粉知歸百生之志願斯畢臣家雖在城多適田野久廢簪笏皆湏營備不獲當時隨例拜謝闕庭